

AJV 2012 – Tamboti Vreugde



Sawa Rietvallei Gesinsnaweek

So vinnig het 'n jaar verbygegaan en was dit weer tyd vir SAWA streke om tydens die jaarvergadering te besin oor sake wat hulle streek raak. Danksy die heerlike publieke vakansiedag het Rietvalleiers al vanaf Donderdag by Tamboti Vreugde aangekom (enkeles al vanaf Maandag). Vrydag is ook sommer so ekstra ingegooi om dit 'n heerlike langnaweek te maak. Teen Vrydagaand het die gesinne wat nog Vrydag moes werk aangesluit en is daar heerlik om die vure gekuier. Elkeen het gesorg vir sy eie ete maar die drinkgoed (en komberse) is so oor en weer gedeel. Na 'n laataand boekevat het dit gou-gou stil geword want die koue het oral in die ledemate ingekruip.

Saterdagoggend het helder en sonnig en heerlik warm aangebreek en van vroeg af al is gewerskaf om die vergaderplek in te rig. Teen 10 uur het oom Neels en Tannie Rina op hul gebruiklike rustige en mooi manier die vergadering geopen met skriflesing en gebed.

Die gaste en teenwoordiges is behoorlik verwelkom en daar is nadruk daarop gelê dat dit 'n informele vergadering is wat deelname baie vergemaklik het.

Die Botha-gesin het 'n pragtige voorstelling gedoen wat, ek glo, elkeen diep geraak het. Denise Botha het 'n besondere toekenning, Rietvalleiertjie van die Jaar ('n eerste vir Rietvallei), ontvang vir haar bydrae by die Presidente saamtrek.

Die jeugvertegenwoordiger het gereël dat die jeug, na hul deelname aan die opening van die AJV, 'n kinderpartytjie hou waar hul besig gehou is met onder andere speletjies sodat die ouers rustig die AJV kon hou. Tydens die vergadering is 'n aantal hoogtepunte uitgelig, mylpale wat bereik is gemeld en dan ook soos gebruiklik 'n paar welverdiende toekennings aan lede gemaak.

'n Agendapunt wat nogal vir 'n paar lede opgewonde gemaak het was die voorstelle oor 'n nuwe klerereeks vir Rietvallei, dit het heelwat kommentaar ontlok en derhalwe was aanbeveel dat verdere ondersoek gedoen moet word.

Die nuwe bestuur is voorgehou aan die vergadering, die jaarprogram is gefinaliseer en die vergadering word afgesluit met 'n gebed.



Oom Neels en Tannie Rina neem die opening waar.

Na die vergadering is daar heerlik gekuier om die tafels met kaas en wyn. Marietjie en jou helpers – dit was 'n groot sukses, baie dankie.

Vir die res van die middag is daar lekker gekuier. Sommiges het 'n welverdiende ruskansie geneem. Te gou het die koue ons bekruipt en is die vure aangesteek om sommer al vroeg die ete gereed te kry.

Sondag het almal maar koulik bymekaargekom vir die gebruikelike erediens terwyl die jongspan ook by hulle DisCo betrokke was. Ons harte is gou verwarm met heerlike samesang en 'n besielende boodskap deur Jacques.

Die naweek is afgesluit deur Tjaart en sommer gou het die kamp leeggeloopt. Die einde van die langnaweek het meegebring dat almal maar skrikkerig was vir die besige paaie en het maar vroeg huiswaarts gekeer.

Vir almal wat bygedra het tot nog 'n heerlike AJV en naweek – baie dankie!

Kampprogram vir 2013 (slegs Rietvallei streekskampe)

Datum	Oord	Tipe kamp
16-18 Jan	Mopani (Pta)	Snr Burger saamtrek
18-19 Jan	Mopani (Pta)	Streeks- en jeug
15-16 Feb	Monateng (Pta)	Streekskamp
8-9 Maart	Bosfontein (Bela-Bela)	Streekskamp
19-20 Apr	Bosveld Oase (Brits)	Streekskamp
17-18 Mei	Drie Berge	Streekskamp
6-7 Aug	Tamboti Vreugde (AJV)	Streekskamp asook Snr Burger naweek
13-14 Sep	Shangrila Innie Bos (Brits)	Streekskamp
18-19 Okt	Klein Paradys (Brits)	Streekskamp
8-9 Nov	Hartbeeshoek (Brits)	Streeks-, jeugkamp Jaarafsluiting

Volgende saamtrek: 7-9 September by Kaia Manzi



Die kinders het heerlik gespeel tydens die vergadering.



Daar is geesdriftig deelgeneem aan die vergadering



'n Fees van heerlik saamkuier om die kaas- en wyntafel



Psalm 23
(’n Japanese weergawe)

Die Here stel my pas vas – ek sal nie haas nie. Hy laat my tot stilstand kom vir rustige oomblikke. Hy voorsien my van beelde van stilte wat die vrede in my herstel. Hy lei my in weë van bevoegdheid deur kalmte van gees. Hy rig my na vrede. Al het ek baie dinge om die dag te doen, sal ek nie paniekerig word nie, want Sy teenwoordigheid is by my. Sy ewigheid, Sy almag hou my in balans. U berei vir my verfrissing en vernuwing te midde van al my aktiwiteite. U salf my gedagtes met olie van rustigheid. My beker van vreugdevolle energie loop oor. Net harmonie en doeltreffendheid sal die vrugte wees van al my ure. Want ek sal in pas wees met my Here en in Sy huis vertoef vir ewig!!!

Foil Forever

Verskaffers van die nuwe generasie

ALUMINIUM SEILE / AWNINGS



Tel: 083 654 6549

Email: foil@tinel.co.za

Hou ons web bladsy dop vir ons nuwe produkte

www.tinel.co.za